

色青皂木蘭者墮

佛世尊遊舍衛國祇樹給孤獨園王波斯匿  
別作浴室問諸阿逸今日應浴不諸比丘答  
今日應浴王語比丘於我浴室浴諸比丘或  
早食時浴或食後浴或夜浴波斯匿王夜來  
欲浴諸比丘洗王不得浴竟夜欲曉方乃得

浴王便作是念我不得見如來即還城者非  
是我宜時王波斯匿即詣佛所頭面作禮在一  
面坐佛知而問王時猶未曉王從何來王聞  
具白世尊時佛爲王說種種法默然住王聞  
說法已即從座起頭面禮足而去世尊見王  
去不久集和合僧備十功德佛世尊與沙門

結戒若比丘半月一浴過者波逸提此應時  
春後一月半歲前一月此應得浴除其熱風

雨僧作著路行此常得浴

戒因緣經卷第八

古末

姑八

戒因緣經卷第九

鼻奈耶第九

姚秦三藏竺佛念譯  
波逸提法之三

佛世尊遊鞞舍梨猕猴江石臺所當於尔時  
鞞舍梨諸童子等在城門裏而射筈筈相柱  
時尊者迦留陀夷平旦著衣持鉢入鞞舍梨

下晡下必辟  
蒲反上自然上音歷下自然下音歷

殺試融余弓罿羅快曷鹵土上音電蒲角肉

脯下音勾蓋企望上丘

澹水字比有上音

比有上音

比有上音

深邃下雜醉反

四脤支不啻下音

地去揣正作搏

情

深邃下淨醉反

盜溢一下夷跋嘴下音

脣下邵反

鞞醯下呼步迷反

盜溢一下夷跋嘴下音

脣下邵反

鞞醯下呼步迷反

禿

蒲萄下桃音

糜米碑反

宛麥烏官反

捨捨音

答下塔摩下許相搏下音猥處上烏調誑徒  
吊反正作講周腐父虺蛇上許髦牛毛茅  
突徒骨反下疊反近廟初使屐履二音下正  
船

分衛遙見諸童子共射苦苦相續即往詣射所語童子言汝等共射雖爲奇特不如我工

諸童子即授弓箭迦留陀夷問欲使我射何物當於尔時有一鵠在上飛諸童子言仰射

此鳥迦留陀夷即以四角叉箭射鵠又箭又鵠令住空不得飛童子復言不殺此鳥何以

爲巧迦留陀夷問欲射何處童子言射右眼

即射右眼鳥墮地死諸童子往白世尊世尊告曰若比丘斷衆生命者墮

佛及洴沙王迦  
留陀夷此三人

佛出尊遊舍衛國祇樹給孤獨園六群比丘

常與十七群比丘爭二群共著道行六群比

丘語十七群比丘言汝等前行踏蟲殺犯波

逸提可時來向我悔過時此七群比丘即向悔過諸十二法比丘聞往白世尊告曰

若比丘不殺蟲證言殺蟲者墮

佛世尊遊舍衛國祇樹給孤獨園諸比丘在

靜室坐禪時天甚熱各各欲睡諸比丘以指

相挾驚禪比丘覺次復以指挾口中諸十二法比丘往白世尊世尊告曰若比丘禪以指挾驚覺次復以指挾口中者墮

佛遊舍衛國祇樹給孤獨園時諸比丘在靜室坐禪時天甚熱各各欲睡時比丘以水相灑驚禪比丘比丘往白世尊世尊告曰若比

丘不得以水相灑驚禪者墮

佛世尊遊舍衛國祇樹給孤獨園時尊者阿那律在拘薩羅界夏坐夏坐已著衣持鉢詣舍衛國中道過一聚問中人此間得止宿不

人指示一寡婦家此中得住尊者阿那律即往此家語言大姝此間得住不阿那律面首

白淨婦人見姪意起荅言得宿即與淨掃房室敷牀使坐在內辦種種飲食日已向暮持水來洗手持食來沙門可食阿那律荅我今

一食不向暮飯婦人便作是念今雖不食暮必與我卧更好布牀使卧婦人自食已然油明燈時此婦人即牀頭立前牽引阿那律衣

棠欲作不淨行阿那律答梵行淨不得從沒意世尊無數方便說姪不淨向姪念姪姪意熾盛婦人竟夜擾阿那律婦人便作是念此必清淨沙門非不淨人便心開意解向阿那律阿那律爲說種種深法即時婦人壞二十億惡得須陀洹見諦得果即從座起頭面禮

阿那律足我今日已往歸佛歸法歸比丘僧聽爲優婆夷盡命不殺生願尊者阿那律受我請於此間食阿那律默然受請婦人入內辦種種食行清淨水手自授食食已行水在前長跪白阿那律言盡命受我請衣被飲食牀卧病瘦醫藥阿那律默然受請阿那律爲說法已即從座起而去詣舍衛國至世尊所頭面禮足在一面坐佛問阿那律於夏坐中無所乏少婆阿那律白佛無所乏少時阿那律以此事具白世尊世尊告曰阿那律譬四毒蛇同一室住寧與惡蛇同處不與女人同牀坐譬如明人王教令之守此四蛇飲食

不失時節若一蛇瞋殺汝不疑語此人從汝所宜時此人便捨去復值五拔刀賊欲殺云何阿那律此人畏四蛇得脫復值五賊越得免之復值六怨家常伺其便今適相逢殺汝不疑復得脫去前有空舍欲入中藏見舍空無所有捫摸四壁值瓶器皆空有一人來語姑九

三

此人言今有賊來可避去適出門遇賊復得免去前值山水流駛墮水死者無數人所立處復有狼虎欲來害人意欲渡水無有舟船便作此念我以何方便得渡此水即收草木縛以爲筏手足捲水得到彼岸得脫四蛇五賊六怨家空舍賊山水虎狼得渡婆羅門得活佛告阿那律所以引喻者當解此義蛇所居以喻此身肥白好由父母得長此亦無常是壞敗法四蛇者是四大地界水火風界各各增則死不疑五賊者喻五陰色痛想行識六怨家者喻六入空聚者喻六情眼耳鼻舌身意處觀眼眼空觀耳鼻舌身心心空出門

見賊者外六塵山水者四使欲界欲使不可使癡使見使河水者三愛者是欲愛色愛無色愛所住處有虎狼者謂五道生死渡彼岸者謂涅槃筏者八聖道手足捨水者是勇猛婆羅門得活者謂如來無所著等正覺佛告阿那律我與汝等勤苦學道正可爾耳是以

之故阿練兒常處樹下空處禪思莫懈時世尊因此事爲沙門結戒若比丘與婦人同共室宿者墮

佛出尊遊白善山時佛中夜起室前經行時須那刹多比丘荔掣子反披拘執來恐世尊曰我天地大神汝避我去世尊告曰十八億魔來恐我不能動一毛豈當畏反被拘執來恐我耶明日世尊告諸比丘若比丘自恐入教人恐者墮

佛世尊遊舍衛國祇樹給孤獨園時六群比丘取十七群比丘衣鉢藏捷捷以鳴比丘僧人坐十七群比丘索衣鉢不知所在比丘僧

會罷還其衣鉢十七群比丘語汝爲沙門何以盜人衣鉢六群比丘答戲耳不盜諸比丘聞往白世尊世尊告曰若比丘戲藏衣鉢戶鑰針筒革屣及種種物自戲藏若教他人藏者墮

佛世尊遊舍衛國祇樹給孤獨園時跋難陀

姑九

四

釋子賒賣衣與比丘尼後從借著既著衣壞復責他直十二法比丘聞往白世尊世尊告曰若比丘賒賣衣與比丘若比丘尼式叉摩尼沙弥沙弥尼還借著既著衣壞復責其直

者墮

佛世尊遊王舍城迦蘭陀竹園所慈地比丘數數證尊者達婆犯僧伽婆尸沙諸比丘聞往白世尊世尊集和合僧備十功德佛爲沙門結戒若比丘證言犯無根僧伽婆尸沙法者波逸提

佛遊舍衛國祇樹給孤獨園有一比丘從拘薩羅詣舍衛國中道至蔡羅園與群賊相值

即問諸賊君何所至答言至舍衛國沙門語  
相貪爲伴即與爲伴至舍衛國賊不著大道  
行爲邏護人所捉邏人語群賊言此沙門亦  
作賊耶答言亦作賊最是翫首即將詣耆老  
所具陳事狀耆老心好道德言此沙門釋子  
終不作賊放使去莫復更余此比丘至舍衛

國語諸比丘諸比丘往白世尊世尊告曰若  
比丘知群賊與共行從一村至一村者墮

佛世尊遊舍衛國祇樹給孤獨園時尊者摩  
訶拘致羅從拘薩羅國來至舍衛國中路依  
他聚宿爾時村中夫婦共鬪時婦逃走尊者  
摩訶拘繩平旦著衣持鉢出此村詣舍衛國

姑九

五

道逢此婦人問沙門欲何所至答言至舍衛  
國婦人語沙門言食爲伴至舍衛國答言隨  
意時夫覓婦不知所在逢一人隨道來即問  
行人頗見有婦人西向行耶行人答言有一  
婦人共一沙門西去即瞋恚往逐捉得沙門  
汝爲比丘將我婦欲何所至時比丘答我不

將行此自著路行即熟打沙門放使去至舍  
衛國向諸比丘說諸比丘往白世尊世尊告  
曰若比丘與婦人同道行從一村至一村者墮  
佛世尊遊王舍城迦蘭陀竹園所爾時尊者  
大目捷連將羅閱城內十餘童子爲道集諸  
年少沙弥七八十人年未滿二十次第授具

足戒竹園門外諸沙弥少氣多饑喚呼索食  
世尊知而問阿難喚呼涕泣者誰阿難白佛  
尊者目捷連在外授諸沙弥七八十人具足  
戒饑不得食是以喚呼世尊知而問目捷連  
年未滿二十汝授具足戒耶答審尔世尊世  
尊告曰年未滿二十者不耐寒熱飢渴亦不  
堪行道年滿二十者耐寒熱飢渴復能行道  
若比丘沙弥年未滿二十授具足戒者墮若  
受具足戒則非得戒授者諸沙門犯慚愧罪  
佛世尊遊舍衛國祇樹給孤獨園時六群比  
丘自手掘地復教人掘地諸長者見自相謂  
言此沙門釋子云何自手掘地復教人掘地

與耕人何異諸十二法比丘聞往白卅尊世  
尊告曰若比丘自手掘地若教人掘是地者墮  
佛世尊遊舍衛國祇樹給孤獨園有一長者  
請佛及比丘僧夏坐四月供養供給衣裳飯  
食病瘦醫藥諸比丘往詣長者所請夏坐四  
月病瘦醫藥或有比丘長請四月外者諸長

者見自相謂言我等許比丘齊四月裏更無  
餘調十二法比丘聞往白卅尊世尊告曰若  
比丘受四月夏坐往請衣裳病瘦醫藥除其  
長請或時有別請或卒一日請若長請物者墮  
佛世尊遊舍衛國祇樹給孤獨園時拘舍彌比丘  
擗撻槌比丘僧集說戒尊者闡怒語諸比丘

始九

六

我不學此戒當先問博學毗尼法師此戒有  
何義諸比丘不知當云何答往白卅尊世尊  
告曰若比丘諸戒日便作是言我不學此戒  
當先問博學毗尼法師此戒有何義者墮世  
尊告諸比丘若不解戒當問比丘博學毗尼  
法師此不犯

佛世尊遊拘舍彌瞿師羅園拘舍彌比丘喜  
聞諍訟罵詈誹謗時六群比丘自相謂言此  
等比丘罵詈誹謗我等誦習明日向說之十  
二法比丘聞往白卅尊世尊告曰若比丘共  
諍默然誦習明日向說者墮

佛世尊遊拘舍彌瞿師羅園時拘舍彌比丘

集二十僧於中悔過時六群比丘自相謂言  
我等默起去使不得悔過即從座起去十二  
法比丘往白卅尊世尊告曰若比丘比丘僧  
斷事未竟默然起去不囑比座比丘者墮

佛遊王舍城耆闍崛山時六群比丘於大衆  
中高聲大喚擾亂諸比丘十二法比丘聞往

曰卅尊世尊告曰若比丘不得高聲大喚擾  
亂人若擾亂者墮

佛世尊遊舍衛國祇樹給孤獨園時尊者海  
從拘薩羅至摩祇多國去察祇多國不遠有  
龍名阿末提吐於中住亮惡暴虐人不得到  
其處象馬驅牛驢皆不得到鳥亦不得在上

始九

七

飛時尊者蔡揭曼平旦著衣持鉢入蔡祇多國分衛聞去城不遠有龍名阿末提吐兜惡暴虐人不得到其處象馬駝牛驢皆不得到其處鳥亦不在上飛分衛已還出城舉衣鉢洗足舉坐布著肩上住詣龍所樹下先三震拂敷尼師檀結跏趺坐阿末提吐龍聞袈裟臭即大瞋恚來尊者海即入三昧時龍放雷雨霹靂尊者蔡揭化雨霹靂成優鉢羅鉢曼摩拘物陀分陀利時龍復雨她薑龜鱉尊蔡揭化她作青蓮傳飾化薑成簷蕪鱉化龜鱉為百葉華始龍復雨擲牟刀戟海化成甘蔗石蜜蒲萄取而食之時龍便作是念此必大神人欲度我故來坐此耳時龍心開意解不懷瞋恚捨形化作婆羅門來至海前頭面禮足又手白言我歸於君海答言汝莫歸我如我歸佛歸法歸比丘僧汝當從我時龍又手受教正爾歸佛歸法歸比丘僧聽爲優婆塞從今日始盡命不殺生時國界人民聞海降

此惡龍長者婆羅門聞爭來供比丘僧蔡揭漸漸來至舍衛國祇樹給孤獨園有一優婆夷聞蔡揭來至別請一日供養平旦蔡揭著衣持鉢至此優婆夷家時優婆夷見坐已定頭面禮足行清淨水自手斟酌布種種食海語優婆夷言大妹行來渴有漿水不優婆夷便作是念若當與黑石蜜蒲萄漿苦酒漿者恐發腹內風即盛酒似水亦如水味時蔡揭說不味而飲優婆夷行水訖在前聽法蔡揭說法說法已便去至祇洹兩門間酒氣始發醉不能前卧於道側三衣鉢鉢囊錫杖各在一處佛知而告阿難曰汝著衣來共出祇洹觀時世尊將阿難出祇洹門遙見蔡揭醉臥路側三衣鉢囊錫杖各在一處世尊知而故問阿難曰此是何人阿難白佛尊者蔡揭世尊告阿難曰汝還祇洹告諸比丘盡來會此時阿難敬承佛教即入祇洹召諸比丘將至門外時世尊告諸比丘云何比丘頗見聞知蔡

姑九

揭比丘降惡龍不見者言見聞者言聞世尊告曰云何比丘如今此人使降一蝦蔓不能而降惡龍諸比丘對不能世尊告曰如是比丘此飲酒之大失諸比丘從今以往不得飲酒嘗酒飲酒嘗酒者墮漿有八種蒲萄漿甘蕉漿柿漿梨漿柰漿煮麥漿迦漿酒華

漿取要言之其漿似酒亦如酒味飲而醉者世尊曰皆不得飲其漿似酒亦如酒味飲而不醉者世尊曰得飲其漿不似酒味不似酒飲而醉者世尊曰亦不得飲其漿不似酒亦不如酒味飲而不醉者世尊曰得飲八漿皆中前飲  
其漿中後不得飲

佛世尊遊舍衛國祇樹給孤獨園時迦留陀夷以得阿羅漢道便作是念我本未得道時與此六群比丘在此舍衛國多觸惱諸長者家多犯諸事我今當教化用補前愆即於舍衛教化九百九十九家少一不滿千家其婦得道而夫不得者不在數其夫得道婦不得

者亦不在數夫婦同得者乃數有一婆羅門夫婦應從迦留陀夷得道時迦留陀夷平旦著衣持鉢入舍衛賓陀跋陀不失次第至此婆羅門家時婆羅門出行不在婆羅門婦閉門在內作食迦留陀夷即三昧正受從竈前地中跳出婆羅門婦見便作是念此必從我始九

九

乞食若空中倒懸我不與食迦留陀夷即空中倒懸婆羅門婦復作是念眼大如金口我不與食時迦留陀夷眼即大如金口婆羅門婦復作是念若戾口著額上我不與食時迦留陀夷即戾口著額上婆羅門婦復作是念正余在我前死我不與食迦留陀夷即在前死婆羅門婦大驚怖言此沙門釋子廣有知識是波斯匿王善知識末利夫人阿闍梨備當聞於此婆羅門家死則誅我門族命當活者從意所索不逆其心時迦留陀夷小頻伸起婆羅門婦見起復作是念著金燃飯當與其食即以杓酌終不得燃飯但得好飯時釜

飯流來向鉢婆羅門婦見此變化心開意解此大神人來此間者正欲度我不來求食即擎鉢飯授優陀耶優陀耶答妹不用此飯可持往施比丘僧此婆羅門婦在先佛種善根語迦留陀夷共往欲持此金飯盡飯比丘僧優陀耶言隨意時婆羅門婦負此金飯詣祇

但鳴捷槌集比丘僧以飯施比丘僧頭面禮迦留陀夷在一面坐優陀耶即爲說種種法破二十拘利惡得須陀洹果時此婦人已得見諦頭面禮優陀耶從今日始歸佛歸法歸比丘僧德爲優婆夷盡命不殺生時此婦人頭面禮迦留陀夷足便去還詣家語婆羅門言尊者迦留陀夷至此分衛作若干變化我即釜飯布施比丘僧與我說法得須陀洹道君今及時可速往聽法時婆羅門在先佛種善根即往詣迦留陀夷所頭面禮足在一面坐迦留陀夷與說法破二十拘利惡得須陀洹果時婆羅門得見諦從座起頭面禮足從

今日始歸佛歸法歸比丘僧聽爲優婆塞盡命不殺生時優婆塞聞說法已從座起頭面禮足而去到舍語其婦言迦留陀夷最是我等善知識斷我等生死根閼地獄門得度彼岸所須衣被飲食病瘦醫藥使此間取時婦語婆羅門若往請即往頭面禮迦留陀夷足姑丈

十

在前白言所須衣被飲食病瘦醫藥願到我家取莫有疑難迦留陀夷默然受之所須常到彼取此婆羅門唯有一子即與取婦呼子與婦二人在前約勑子言若我夫婦死後汝看迦留陀夷如我在時兒跪荅言奉教漸漸後父母死七日後澡洗著衣往詣迦留陀夷所頭面禮足在一面坐白優陀耶言迦留陀夷則是我父母所須衣被飲食病瘦醫藥至我家取迦留陀夷有所乏少常往取之時此婆羅門子出行不在時有五百賊外劫人已持財入舍衛城時群賊中有一魁首端正無雙婆羅門子婦屋上遙窺即遣一婢使往語

可曾顧屬見造貧舍即到其家與婆羅門子婦爲不淨行尊者迦留陀夷尋亦至舍即就座行清淨水布種種食訖復行清淨水在一面坐聽說法說姪之惡露犯戒墮惡道持戒生天婆羅門婦便作是念此沙門後至說姪不淨持戒生天必當見我爲不淨行又於

我夫最爲親厚若當譖此事者罪我不少迦留陀夷去後語此賊師此沙門後至但說姪事必當見我爲不淨行又於我夫最爲親厚若當告此事者罪我不少賊問當云何婆羅門婦言當取殺賊答不得殺婦人問以何不得殺賊答此是大種姓家子波斯匿王善知

姑九十一

識未利夫人師是故不得殺婦言當作方便即詐病遣信呼迦留陀夷食後著衣持鉢來至此家頭面禮足在一面坐迦留陀夷與說法說法已欲去婆羅門婦白言小留莫去意貪聞陀夷說法病如小差迦留陀夷復重說深法日沒時此賊執利刀在後斫頭即命斷

藏舍後馬糞下其日是十五日說戒過捷槌集僧說戒行舍羅長一皷繚羅問誰不入說戒比座對尊者迦留陀夷不來皷繚羅即間有囑授不答言無時皷繚羅不知當云何往白世尊世尊告曰諸比丘但說戒迦留陀夷已般姪槃少一不滿五百世尊迦留陀夷常

爲我善知識今日別矣時世尊平旦著衣持鉢與大比丘衆入舍衛國往詣馬糞所佛力使迦留陀夷身踊出去地七仞諸比丘以牀仰承即下卧牀上送至城外詣塚間種種香華供養幡蓋圍繞作衆伎樂香油灌體而耶維之與起偷婆王波斯匿聞尊者迦留陀夷爲其婆羅門所殺即誅婆羅門家左右誅十八家捕五百賊截手足擲祇洹塹中世尊因此事集和合僧備十功德爲沙門結戒若比丘不囑左右比丘非時入聚落者波逸提諸比丘白佛尊者迦留陀夷本造何惡今得阿羅漢故爲此婆羅門家所殺世尊告曰迦留

陀夷往昔父遠時作天祀主有五百羣賊劫掠得物持入舍衛國五百羣賊截羊四足持來祠天天祀主即斷此羊命爾時五百羣賊截羊四足者今祇洹灘中五百羣賊是時天祀主斷羊命者今迦留陀夷是雖得阿羅漢不免宿對尔時羊者今婆羅門婦是時世尊

說迦留陀夷昔所更諸比丘聞佛所說歡喜作禮而去佛世尊遊舍衛國祇樹給孤獨園時六群比丘宿所請佛比丘僧處平旦至彼家坐抱小兒弄時天甚熱長者婦女脫衣與比丘僧辦食著六群比丘即諸長者見自相謂言此沙門釋子無有禁忌衆僧未來先至

姑九

十二

坐坊人辦食十二法比丘聞往白世尊世尊告曰若比丘六群比丘請小食中食先至彼坐於大眾前弄小兒者墮

佛世尊遊舍衛國祇樹給孤獨園時六群比丘自恃王家子雞未鳴入宮裏諸長者見自相謂言此沙門釋子自恃王家子雞未鳴入

宮十二法比丘聞往白世尊世尊告曰若比丘天未明未藏舉寶王未著衣服過城門闕除官及呼犯者墮有十事不得入王家若比丘入王宮第一夫人出笑向沙門作禮比丘亦笑向王見便生惡心此沙門必與我婦通此初不可入王家或時王與夫人共宿後忘與宿而夫人有娠比丘入宮王便生惡心此沙門數來入宮必當與我婦通此比丘第二不得入王家或時王家失珍寶比丘入宮王便生惡心此沙門數數入宮或時偷珍寶去此比丘第三不得入王家或時王謀議欲殺太子及諸宗族王未有教而事漏泄比丘入

言王便生惡念更無餘人正此比丘傳漏此事此比丘第四不得入王家或時太子欲謀弑王比丘入宮與太子坐起言語王便生惡念此比丘數至太子所必當與共同謀此比丘第五不得入王家或時王欲殺大臣王未有教而聲漏出比丘入宮王便生惡念更無

姑九

十三

餘人此必比丘傳漏此語此比丘第六不得入王家或時王欲以賊人作大臣王未有教而聲漏出比丘入宮王便生惡念此比丘傳漏此語此比丘第七不得入王家或時王欲攻伐他國非人閑又傳此語比丘入宮王便生惡念此必比丘傳漏此語此比丘第八不得入王家或時王左右大臣或不喜見比丘比丘入宮大臣不喜見是比丘第九不得入王家或比丘數數入宮留宿不得出妨不得坐禪誦經稟受此比丘第十不得入王家佛世尊遊舍衛國祇樹給孤獨園時十五日過比丘集說戒時闡怒比丘自作是語所有教誡我盡誦習上口諸比丘謂呼闡怒比丘誦戒上口諸比丘往白世尊世尊告曰若比丘說戒時作是語我知此法半月次來說戒我解此法諸比丘謂此比丘數數來聽戒曾聞此戒或處處聞如法悔過教令一心聽戒是比丘不解言解者墮

佛世尊遊舍衛國祇樹給孤獨園諸比丘以象牙骨角作鍼筒諸長者見自相謂言此沙門釋子不貪好云何持象牙骨角用作鍼筒十二法比丘聞往白世尊世尊告曰若比丘不得持象牙骨作鍼筒作者墮

佛世尊遊舍衛國祇樹給孤獨園諸比丘不知作牀作牀施高脚十二法比丘聞往自世尊世尊告曰若比丘作牀足高八指除入柱過者墮佛指

佛世尊遊舍衛國祇樹給孤獨園時六群比丘收取樹綿及蒲臺用貯卧具未經幾日便生蟲十二法比丘往白世尊世尊告曰若比丘持樹綿蒲臺貯具者墮樹綿也

佛世尊遊舍衛國祇樹給孤獨園時六群比丘作兩被不知長短十二法比丘往白世尊世尊告曰若比丘作兩被布長六肘廣二肘半過者墮

佛遊舍衛國祇樹給孤獨園時諸比丘衣被

單薄世尊著乾蹠車陀泥洹僧也諸比丘不知當云何作往白世尊告曰若比丘作乾蹠車陀長四肘廣兩肘過者墮

佛遊舍衛國祇樹給孤獨園世尊聽作尼師壇諸比丘不知當云何作往白世尊告白若比丘作尼師壇長二肘廣一肘半除其緣過者墮

佛遊舍衛國祇樹給孤獨園時難陀比丘是世尊弟姨母兒端正無雙佛有三十二相難陀有三十相世尊所著衣難陀亦同如來所著衣諸長老比丘邊見難陀來謂是如來皆從座起迎難陀來到相見知是難陀非是佛

皆爲羞耻還坐十二法比丘往白世尊世尊集和合僧備十功德佛爲沙門結戒若比丘作三衣與如來等者波逸提如來衣者長九肘廣六肘此是如來衣比丘自用附五

## 戒因緣經卷第九

姑九

## 戒因緣經卷第十

姑十

鼻奈耶第十

姚秦三藏竺佛念譯  
毘盧提舍尼法第六

佛世尊遊舍衛國祇樹給孤獨園尔時年旱穀貴乞求難得諸比丘顏色憔悴瞿曥彌提惣比丘尼廣有知識所索從意諸長者不逆